

〔日本書紀二十一〕二年明○用七月蘇我馬子宿禰大臣勸諸皇子與群臣謀滅物部守屋大連○爰有迹見首赤擣射墮大連於枝下而誅大連并其子等○中物部守屋大連資人捕鳥部萬萬名將一百人守難波宅而聞大連滅騎馬夜逃向茅渟縣有真香邑仍過婦宅而遂匿山○中以刀子刺頸死焉河內國司以萬死狀牒上朝廷朝廷下符僞斬之八段散梟八國河內國司即依符旨臨斬梟時雷鳴大雨爰有萬養白犬俯仰迴吠於其屍側遂嚙舉頭收置古冢橫臥枕側飢死於前河內國司尤異其犬牒上朝廷朝廷哀不忍聽下符稱曰此犬世所希聞可觀於後須使萬族作墓而葬由是萬族雙起墓於有真香邑葬萬與犬焉河內國言於餌香川原有被斬人計將數百頭身既爛姓字難知但以衣色收取其身者爰有櫻井田部連膽淳所養之犬嚙續身頭伏側固守使收已至乃起行之

〔元亨釋書二十八〕播州犬寺者昔蘇入鹿大召兵亡上宮太子之屬播有枚夫者從軍枚夫有妻好枚夫之僕以間潛通既而枚夫歸僕恐事覺受誅語主曰山中有一所鹿猪之所集人未知我適山行見之我願與君二人潛往獵之不令他人知若人有知非鎮長君之有矣枚夫大喜枚夫善射畋素養二黑狗便與二犬及僕入山中行數十里僕上高所彎弓架矢曰我昔主君比來匹敵也此山無獵所我給君至此也此一箭可得君命不知君有所思乎我雖奮命能濟君身後枚夫曰甚矣我之衰也我未知此事餘又何言乎但有一事願子且待須臾枚夫腰帶畋糧解包呼二犬分糧為二各與之便撫二犬曰我畜汝等者有年恩意宛如子弟此飯是我之餐也今與汝等我有一言汝等聞之我今死於此汝二犬一時嚙其屍莫令有遺餘矣所以然者我自少壯得雄武之譽故又逼驅從蘇氏之軍也恥今為僕隸所給空死山中國人競來定見我屍指笑哀感是我之大患也故我欲二狗盡我屍二犬不啜垂耳而聽言已一犬高躍嚙斷僕之弓絃一犬又躍嚙僕喉而死枚夫將二犬而返家乃逐其妻又語親屬曰我因二犬得全命自今立二狗為我子我之莊田資財皆是二犬之有也畜齡短促不幾二犬自斃枚夫曰我鄉以二犬為子付資財今其殂矣前言不可渝也便捨田貨建伽藍安千手大悲像薦冥福祠二犬為地主神此像靈